

錢南園先生遺集

錢南園先生遺集敘

錢南園先生當乾隆之季以抗直聞天下視學湖南時風規氣概至今人猶思之其書畫皆爲世所寶而詩文不少概見法祭酒師令君所輯南園詩存桐城姚姬傳先生序以刊行者亦絕少傳本僅滇南文略中存文十數首而已歲丁卯予來撫湖南邦人士請祀先生名宦旣

題奏

報可因念先生詩文散佚不傳亦鄉邦後進之責也乃走緘求之京師得所爲南園詩存湘陰郭筠仙中丞又

金匱要略
搜得遺詩一卷并他文之散見者合滇南文略所存裒而輯之編次爲五卷以付手民嗚呼先生清風亮節照耀海內無俟詩文之存否爲重輕卽以詩文論蒼勁堅整直抒胸臆受法於桐城姚氏而不襲其貌豈非卓然能自樹立者哉昨歲予旣校刊李瀛仙中丞遺集吾滇人官湖南者惟先生與中丞先後相望爲楚人所尸祝兩先生詩文得以數年搜輯之力聿觀厥成後起者景仰之意可幸無憾而讀是編者亦可想見先生之精神意趣自足以不朽也

同治壬申秋滇南後學劉

岷謹敘

原刻南園遺詩序

余以庚子入詞館卽識南園前輩於同年徐鏡秋齋中
鏡秋方與余肄習翰林文字分日拈題時初頤園亦讀
書城北古寺常就余與鏡秋會課南園爲鏡秋受業師
又以余與頤園爲同館後進每得一題疏解義理指陳
情事輒無隱諱興會所至伸紙吮豪往往先就余性疏
放喜爲古今體詩先生亦同嗜余脫橐就商先生搢筆
立和先生亦嘗以所撰製示余茗椀倡酬以文字相切
劘友朋追逐之樂未有逾於此時者也自是以來二十
餘年頤園鏡秋先後遠宦先生已歸道山聚散存亡之

感每一念及懷然弗能自己前年余借鏡秋老屋棲息
而其北軒卽先生下榻處一花一竹根觸依依如接故
人顏色特以不得傳其詩爲恨今年正月於書肆買得
先生手藁一帙心竊喜之適保山袁蘇亭寄新刊滇南
詩略至所載南園詩與余所得多有不同旣而先生戚
友師荔扉大令需次來都出先生詩兩帙與前所見者
又多有不同乃知先生爲詩向不存藁作輒棄去見者
繕錄收存之非先生意也夫以先生之質直忠諒居官
行事卓卓可傳所重本不在語言文字間雖然性之所
近情之所移非詩焉烏乎見先生不以詩重重先生者

未嘗不重其詩也卽以詩論精淡博大迥非絺章繪句
講求聲律者所能窺其閫奧茲荔扉欲彙其詩付梓採
訪補綴不遺餘力得若干首釐爲二卷約略作詩之歲
月而排次焉沿仿史例將以表其生平惜乎先生身後
遺孤穉弱所存手槁大半散失卽此二卷中雄篇佳什
余向所心摹神追者僅存一二至與余贈荅之章竟自
無存則所遺佚已爲不少也然而先生之人傳矣詩固
不盡於此卽此亦見一斑矣他日頤園鏡秋或更有所
增輯余與荔扉當拭目俟之嘉慶六年歲次辛酉五月
同館侍生梧門法式善序於且園之詩龕中

原刻南園遺詩序

昆明錢侍御澧旣喪子幼詩集散亡長白法學士式善
趙州師令君範爲蒐輯僅得百餘首錄之成二卷侍御
嘗自號南園故名之曰南園詩存當乾隆之末和珅秉
政自張威福朝士有恥趨其門下以希進用者已可貴
矣若夫立論侃然能訟言其失於奏章者侍御一人而
已令

上旣收政柄除慝埽姦屢進疇昔不爲利誘之士而侍
御不幸前喪不與褒錄豈不哀哉君始以御史奏山東
撫藩貪黷

高宗命和珅偕君往治之君在道衣敝和珅持衣請君
易君卒辭和珅知不可私干故治獄無敢傾陂得伸
國法其後君擢至通政副使督學湖南時和珅已大貴
媒孽其短不得乃以湖北鹽政有失鐫君級君旋遭艱
歸服終補部曹

高宗知君直更擢爲御史君奏和珅反軍機大臣常不
在直之咎有

詔飭責謂君言當使直軍機處和珅益嗾君而

高宗知君賢不可譖則凡軍機勞苦事多以委君君家
貧衣裘薄嘗夜入暮出積勞感疾以殞方

天子仁明朝廷綱紀猶在大臣雖有所怨惡不能逐去第勞辱之而已而君遭其困顧不獲遷延數寒暑畱其身以待公論大彰之日俾國盡其才用士得盡瞻君子之有爲也悲夫悲夫余於辛卯會試分校得君四年而予歸遂不見君子所論詩古文法君聞之獨喜君詩尤蒼鬱勁厚得古人意士立身如君誠不待善詩乃貴然觀其詩亦足以信其人矣予昔聞君喪作詩哭之今得其集乃復爲序以發予痛云嘉慶癸亥春二月桐城姚鼐序於皖城之敬敷書院

錢南園先生別傳

保山 袁文揆 蘇亭

錢南園先生諱灋字東注先世江甯人遠祖鑄明成化間幕遊昆明遂家焉會太監錢能使滇以同姓故欲引使附己鑄逃居迤西能去始還父世俊家貧以治銀爲業先生少有大志舉止岸然少長從塾師遊聞古賢人傑士輒慨然欣慕旣補弟子員肄業五華書院荷澤劉中丞藻徵詩首拔之云此生獨往獨來必爲將來大開風氣而先後主講席如趙州蘇侍御霖渤福清張太史甄陶建水陳閣學世烈尤器之中乾隆戊子鄉舉辛卯成進士改庶吉士壬辰授檢討充

國史館纂修官乙未昆明大水壞民居無算先生亟歸
省明年冬入京供職庚子充廣西副考官號得人辛丑
冬晉御史

特派稽查通倉蓋自是不僅以文章報

國矣會甘肅有冒賑折捐事已獄成論報誅竄幾及百
人制軍皆坐罪獨不及陝西巡撫畢沅先生上疏曰冒
賑折捐之事固皆由王直望執法營私所致但查直望
爲藩司之日畢沅曾兩署陝甘督臣豈竟豪無聞見誠
使早發其奸則播惡必不至如此之甚卽陷於刑辟者
亦不至如此之眾是此案皆沅釀成之也臣不敢謂其

利令智昏亦復少受所餌惟是瞻徇前政明知積弊已深特不冒發之自我甚非大臣居心之道章入

天子動容

諭部臣若果如錢漕奏朕亦不能爲畢沅寬議上如先生言

上奪沅職三級先是臺諫自李漱芳左遷後無人敢言事至先生甫入諫垣輒彈大僚一時有鳴鳳朝陽之譽或且有以第問狐狸責善者先生曰吾非敢以言爲借資嘗試祇盡吾職知無不言言無不盡而已居無何復劾山東巡撫國泰驕縱無度借納貢名而爲貪婪官民

皆患之無敢指目現在歷城益都數十州縣倉庫虧空
纍纍請按問又力諫勿受貢辭頗塞直

上命軍機處傳訊主使覆奏俟

命聞者咸爲先生危先生自知懇諫暫歸寓呼僕治裝
或遠謫則卽出都門踰時軍機處傳

旨命偕大臣和珅劉墉諾穆清等往訊及抵山東界和
珅偵知東省已爲彌縫計危言以動先生先生曰彼縱
能彌縫一處不能彌縫處處馳往廉得實逮國泰同藩
司于易簡赴刑部治罪比還報

上猶問爾何以知之淡也對曰御史風聞言事臣聞言

山東事者不可枚舉既有所聞不敢隱

上領之於是

上以先生敢言擢通政司參議癸卯四月晉太常寺少卿六月轉通政司副使頻蒙

召對有所見輒直陳於是大家宰劉墉宣言於國子監曰昨錢南園已將科場作弊事面奏矣諸生慎自愛而楊壽枏繼以章宗瀛南人冒北籍入詞垣昨己亥庚子順天鄉試兩蒙

欽點內簾同考試官皆遵例迴避南北皿北貝分閱中皿卷今癸卯宗瀛又得內簾不宜再派閱中皿卷疏上

報可士論悞之則以先生爲之倡也當是時凡大臣簠
簋不飭者莫不惴慄而竟有謂銀工子得志敢狂肆乃
爾更陰伺其家事思所以中之微先生直誠上結

主知誠未可以口舌爭矣是歲八月以本官兼湖南學
政請

訓得

溫旨有老實正經之目抵楚後按試各郡絕干謁一秉
至公有關學校事隨時具奏凡所甄拔士諄諄教以制
行力學有不率者加以扑扶有錢來不要錢之語越三
年期滿奉

命畱任己酉丁母憂解任奔喪所過官吏無知者又丁父艱哀毀骨立營葬畢杜門課子弟不與外人往來癸丑七月服除次日卽北上先是先生視學時湖北荊州水災城圯孝感活埋人

上責以近在鄰省不時查奏革職畱任而湖南有匿喪應試及首違礙書籍者會先生聞計交撫臣浦霖查辦不及奏

聞而撫臣遂以爲己所發也參奏及先生部議甚嚴上特敕部臣錢澧尙知持正加恩以主事用比選戶部江南司主事引

見復奉

特旨以員外郎卽用旣補戶部河南司員外旋蒙

擢任湖廣道御史是時軍機大臣多不於軍機處辦事與舊制不合先生懷遠慮恐開角立朋黨之萌疏論諸大臣應同在公所辦事然後情可共見近惟大學士阿桂每日入止軍機處餘或入止

內右門內舊許大臣暫止之廬或

南書房或造辦處一切各事畫臺司員旣趨走多岐況內右門內切近

禁寢向來因有

養心殿帶領引

見等事

恩加大臣不令與百官露立是以設廬許得暫止不應於未辨色之先一大臣入止而隨從司員亦更入更出爲日既久不能不與內監等狎熟萬一有如從前高雲從者雖立正刑辟而所絀已多杜漸防微自宜及早至隆宗門外直廬則各色應差皆得覘聽於外大臣於中辦事亦屬非體請

敕悉照舊規同止軍機處其

圓明園辦事亦同一體

上得奏切責諸大臣謂錢禮所奏甚是卽

命在軍機處行走於是妒忌之口又有以取巧非笑先生者而舊湖南撫適撫閩仍陽爲修好先生直彷徨絕交書荅之識者藏其橐焉先生旣敢言語無戲謔又不肯附和人和國和珅陰忌之且直詰之咄咄逼人欲窮以難處之事卒不能屈轉資商推因主駁長蘆請加鹽價又數言滇省諸事廢弛錢法尤壞疏已草會督臣富綱調任入京

上數以錢法壞切責且畱內用乃止自大學士阿英勇公以下皆稱爲南園先生其見嚴憚如此乙卯夏扈

蹕灤陽九月還至十八日病卒於官年五十六先生性孝友自爲諸生奔走負米試高等則喜曰爲有所藉以養也季弟沈早世恤其婦必使得所雖遠遊必使仲叔善視之與仲叔曲盡親愛得廉俸無豪釐自私終其身如一日自奉甚約不以貴賤易在京師嘗攜一僕徒行蔬食大布晏如也篤於故舊遇其子弟禮遇不稍衰若見其尙華少實必戒之於戚友緩急極意周卹雖典衣鬻物不惜居湖南時所得京俸悉出以修日下會館又與里人增府縣兩庠鄉會試卷金壬子昆明復大水當路議修濬先生周覽源委獻六河說且倡眾捐資助公

帑河工以成鄉人德之然時已兩丁大事所積廉俸之餘贍家猶不足實藉子弟束脩以自給也爲詩古文博奧精悍同輩竝後生以詩文就正往往面規其失而私揚其善士論翕然宗之其卒也

朝野悼惜部臣援例飭驛護送歸里軍機大臣阿英勇公等爲文以祭稱其有爲有守以不能竟其用爲恨子四人後五年三迤紳士呈請以先生從祀鄉賢經雲貴總督大學士書麟批司道查議云錢故宦亮節清風到處口碑宜無愧於俎豆會書節相以軍務調任兩湖事不果行又八年嘉慶丁卯總督伯麟適兼署巡撫會同

學使譚光祥體察輿情詢謀僚屬奏奉

恩旨準以先生從祀鄉賢

外史袁文揆曰觀南園先生生平志節卓卓誠不附中
貴之錢氏子孫也抑余聞南園微時每於廢紙中拾殘
篇誦讀不驚虛譽趨走達者之門二軼事殆合於古大
臣建樹赫然當其平居未遇時卽有一二表異於眾者
與然而薦紳先生鮮知之者及南園旣遇乃無不稱荷
澤福清諸君子爲知人使先生終老不遇無所表見於
世則彼數君子者亦將不得以知人稱矣悲夫

錢南園先生墓志銘

景東 程含章 月川

南園先生既葬之三十有五年章告歸至滇其子嘉棗始以墓志銘請曰先大夫舊葬於清水河祖塋兆後過高受風不吉今欲與先妣秦淑人遷葬於新卜蓉峯山塋地尙未有銘敢以煩執事章維先生吾滇之望人也其清風亮節昭著於天下越今數十年海內賢士大夫猶藉藉稱道於弗衰矧屬同鄉末學又嘗於都城數見親領其言論丰采烏敢以不文辭謹按先生諱澧字東注號南園昆明縣人祖籍江甯世居花石橋明成化間有諱鑄者遊幕入滇會太監錢能來滇以同姓故欲引

使附己公恥之逃匿迤西能去始還先有王指揮者遭
能之禍幾不測淡重公之氣節以女許字遂家焉七傳
至先生曾祖慎居公有品學能詩祖用章公慷慨有勇
略父拙安公貧而好施濟時值大水傾家活鄰里皆因
先生貴

誥贈中議大夫母李太淑人生四子先生其孟子也生
而穎異舉止岸然不苟言笑稍長拙安公謂之曰吾家
世無達者自爾堂伯天開公歿後舉族無一青衿子孫
幾不識祖宗名諱爾其勉之先生謹受教從塾師王素
懷李榮之學無錢買書嘗於水德菴廢紙中得殘篇制

藝攜歸熟讀文思大進遂補博士弟子員倉廩餼肄業
五華書院山長蘇侍御霖渤澹器重之稱爲滇南翹楚
試輒前茅巡撫劉藻徵詩首拔之曰此生獨往獨來將
來必能大開風氣當道爭欲羅致門下先生拒不往乾
隆戊子舉於鄉辛卯成進士選庶吉士壬辰散館授職
檢討充

國史館纂修官乙未昆明大水壞民居無算先生廬舍
爲烏有亟請假歸省修牆屋儲菽水會蘇侍御卒於彌
渡徒步數百里哀毀盡弟子職旣葬畢卽由墓返明年
入京供職庚子充廣西副考官門生來見者不受贊儀

曰寒士至京會試資斧不易但願勉爲名臣循吏吾與有榮矣辛丑授江南道御史派查通倉值甘肅有冒賑折捐事獄已成誅竄幾及百人獨不及陝西巡撫畢沅先生奏言冒賑折捐固皆由王亶望馱法營私但查亶望爲藩司時畢沅曾兩署陝甘總督近在同城豈竟豪無聞見誠使早發其奸則播惡不至如此之甚卽陷於刑辟者亦不至如此之多臣不敢謂其利令智昏甘受所餌惟是瞻徇回護不肯舉發甚非大臣居心之道章入

上是之奪畢沅爵三級先是臺諫自李瀚芳左遷後無

人敢言事先生甫入諫垣卽彈大僚一時有鳴鳳朝陽之譽居無何復劾山東巡撫國泰吏治廢弛借納貢名貪婪無饜官民患苦所屬州縣虧空累累請按問竝請嗣後勿受貢物俾督撫無所藉口

上命軍機處傳訊對曰御史例得風聞言事臣有見聞不敢不告先生自知懣直恐有新疆之行急歸寓命僕治裝已而軍機處傳

旨命隨同大臣和珅劉墉諾穆清前往查訊當是時和珅當國國泰素奔走其門下人皆爲先生危及抵山東境和珅已知彌縫危言以動先生先生曰且到彼再看

惟劉壩山東人深知其弊常與先生密商比到省盤庫和珅言不用全數彈兌抽盤數十封紋銀無短和珅遽起回館先生請封庫次日徹底拆封則多係圓絲雜色銀蓋借諸商人鋪戶充數者詰問庫吏得其實出示召領曰遲來卽封貯入官矣於是商賈紛紛具領庫藏一空復改道易馬往盤他處皆有短絀案遂定奏入上命將巡撫國泰藩司于易簡拏問交刑部治罪聞者駭然噫嘻危哉夫以赫赫元輔護庇之人素心不欲查辦之事又適當派充

欽差之首而以一御史隨其後非有過人才知則能發

而不能收鮮有不敗者尹楚珍先生之事其明徵也

先生

名壯圖參奏山西江南等省虧空上命會同大臣某往查皆已彌縫尹奏皆虛革職拏問論斬上赦之賞

給員外郎銜先生有定識有定力不因艱鉅而餒不以

回籍養親

旁撓而懼卒能發奸摘伏黜貪墨而儆官邪當是時先

生之名滿天下封疆大吏莫不震驚檢束而不敢肆其
幹濟爲何如哉然自是嫉者愈眾忌者愈深欲求先生
瑕隙以中傷之而卒不可得亦可見先生平日律己之
嚴待人之恕不予人以指摘之柄也

上以先生敢言擢通政司參議癸卯四月晉太常寺少
卿六月轉通政司副使頻蒙

召對先生慎密外間人無知者惟總管國子監事尙書
劉墉諭諸生曰錢南園已將科場舞弊事面奏矣諸生
慎自愛八月以本官兼湖南學政到任後按試各郡絕
干謁不受棚規取士一秉至公諄諄訓以力學制行有
引用錯誤及字迹舛謬者手自戒責士子莫不感服三
年屆滿奉

旨畱任己酉當選貢之年所拔士皆有學有品若武陵
趙文恪公慎畛其首著者也丁母李太淑人憂時衡州
試竣星夜抵長沙寓城外旅店委員齎印交巡撫各官
方欲挽畱回署助以購儀先生稽顙致謝明日遂行所

過楚黔境上官吏無知者續丁父拙安公憂哀毀骨立
大吏臨弔一往謝外絕迹不入公門營葬畢杜門課子
弟讀書癸丑服除北上有同年友官當道爲之致館餽
贐悉不受先是先生督學湖南時荊州水災城圯孝感
縣有活埋人命之案

上責以近在鄰省不行查奏革職畱任又湖南有匿喪
應試及首違礙書籍二事時丁憂急歸移交巡撫浦霖
查辦而浦霖遂以爲己所發也捏辭參奏部議革任

上曰錢澧尙知持正加恩以主事用比選戶部江南司

主事引

見奉

旨以員外郎補用卽補戶部河南司員外郎復奉

旨補授湖廣道御史人皆謂

聖主之終眷直臣卜先生之將大用也時軍機大臣和
坤與阿文成公等不和辦事不在一處先生慮開朋黨
之萌上疏曰軍機大臣應同在公所辦事互商可否然
後情可共見近惟阿桂入止軍機處餘或入止

內右門內或

南書房或造辦處一切咨事畫臺司員旣趨走多岐況
內右門內切近

禁寢向來因有

養心殿帶領引

見之事

恩加大臣不令與百官露立是以設廬許得暫止若未辨色之先一大臣入止各司官亦隨入隨出爲日旣久不能不與內監狎熟萬一有如從前高雲從者雖立正刑辟而所絀已多杜漸防微理宜及早至

隆宗門外直廬則各色應差皆得瞻聽於外大臣於中辦事亦屬非體請

敕飭諸大臣悉照舊章同止軍機處其

圓明園辦事亦同一體

上覽奏切責諸大臣謂錢澧所奏甚是卽

命在軍機章京上行走阿文成公以下皆敬之稱爲南園先生惟和珅頻加詰究欲窮以難處之事卒不能屈轉資商摧乙卯扈

蹕灤陽還九月十八日病卒距生於乾隆庚申年四月初一日享年五十有六中外識與不識莫不傷悼惜先生之未及大用也軍機處阿文成公以下爲文以祭稱其有守有爲以未竟其用爲恨先生性孝友爲諸生時奔走數十里外負米以養得官翰林喜曰吾今乃得祿

養親矣與仲叔曲盡親愛季弟沈早逝無子恤其婦必
使得所每遠出必屬仲叔善視生次子嘉棠卽以嗣之
得廉俸無豪釐自私自奉甚約不以貴賤易官翰林時
非朝會赴公所不坐車蔬食大布晏如也人或勸之荅
曰吾本寒士少年辛苦如在目前且爲官而惟車馬衣
服是營又烏能廉間者歎服見故人子弟侈肆者必切
戒之遇人有昏喪急難事必捐資倡助雖典衣鬻物不
惜蓋其天性然也視學湖南時所得京俸悉出以助修
會館又與里人增設府縣兩學鄉會卷金壬子昆明大
水先生周覽六河源委切究利弊上六河說於大吏又

倡眾捐資助工水患以除鄉人德之容貌莊嚴待人又極和平雅好崇獎士類凡以詩文就質者必面指其瑕而亟揚其善蔬食畱賓高談不倦士類無不心悅爲詩古文辭戛戛獨造卓然成家惜橐多散失僅存文一卷詩二卷尤工書法楷放十三行靈飛經行宗坐位帖後肆力於家廟露筋祠碑人得其一紙珍如拱璧至今猶購求之嘉慶丁卯鄉人請

崇祀鄉賢大吏

題請奉

旨允準先生元配秦淑人有賢德嘗割股醫翁乾隆甲

辰二月十五日卒於湖南學署距生於丁卯年十一月初六日年三十有八先生手爲立傳側室兩孺人鞠氏生子四長嘉樞邑庠生後先生十二年卒次嘉棠嘉慶癸酉拔貢歷任元謀甯汨二縣教諭卒於官三嘉棗邑增生孝廉方正四嘉植早卒孫 人皆嘉棗出銘曰
太華昆湖坤輿旁礪篤生賢豪謦謦諤諤抗疏納忠聲震寥廓雖未盡用賢關已拓蒼蒼其松矯矯其鶴巖巖其山蕩蕩其壑載卜牛眠元關局鑰勒銘山阿千秋於
爍

輓詩

趙州師範荔扉

良朋等晨星零落半可指豈意南園公一病真弗起前

春悼彭郎

竹林司馬

去秋輓戴子

琢軒黃門

邗堪羈旅人倉卒又

聞此鬱鬱蘇門山蕩蕩百泉水四野號長風悲來自難

止謦欬杳莫存精神炯不舛畱照天壤閒日暮霜林紫

憶昔甫弱冠結交多老蒼惟公獨子好入室而升堂義

居師友閒親若兄弟行勸善復規過詞氣備激揚處或

聯筆硯出竝驅驅黃頗有未遑事折節求其詳一別今

六載魂夢時相將拙文向誰定怒焉心內傷

憔悴園中葵嫋娜陌頭柳葵抱向日心柳折征夫手人
苟足丹誠金石同不朽官職與文望事總出於偶遺直
古所稱公去復何有慄然多繡威嘖嘖懸眾口

未知負何疾遂致傷厥生夙具颯爽姿骨相尤崢嶸劬
勞況所習甯能累神明恐被藥石誤兼受霜露撓子幼
不解事交寡誰見情魂兮好歸去故鄉山水清淚若黃
河流欲哭聲難成有志大未了化作星雲精

桐城姚鼐夢穀

能國惟君子丕時讓俊民九苞鳴大夏一鶚降秋旻士
盡歸遺直

朝方賞諫臣如何孤有德終歎百其身家世昆明遠聲
名上國珍青編先珥筆白簡奮當仁受

詔乘輅急當官襁被貧九流分混汗三族責頑嚚纔使
清流重終教惡女顰遷官依

日側持節度江濱魯酒師圍趙曾參罪惑親湘東辭樹
蕙溟海臥誅榛脫穎賢名舊聞絲

帝念新雲霄重起翼風雨又司晨授命官何擇賢勞事
不均更生徒禁闥長孺是前薪心苦非搏石言高觸秉
鈞苟無光日照蚤與禦魑鄰被薄焚香夜盤空翦韭春
孤危仍不恤盜舛又誰論節概今無兩文章古與倫廟

修辭閣選集
三
堂虛讜議館閣重詩人昔試儒家法招徠觀國賓登茲
一片玉忝作九方歎宴笑鋪筵會潺湲擎枝晨江湖漂
擊權霄漢望拖銀遠慰空庭日時烹尺素鱗病羸增復
減兒女學兼姻任道誠無負論交亦有神祝雞從廢墜
乘驥又遭迍宇宙宏才少風霜往迹陳蒼生卒何望青
史豈終淪

偶檢故書得通政司副使錢豐遺札

陽湖洪亮吉釋存

早年重望出遐陬六詔人文第一流作史舊曾居柱下
建言頻見伏螭頭鴈從鳩化心仍恕蓬自麻生節亦遒

君與余同年葉舍人雯最善
嘗共寓居每以名節相助
我是庾公樓上客彈章傳
到亦生愁指甲辰年糾陝甘
署督畢宮保一事

哭通政錢南園先生

武陵陳惠鈞幼鴻

噫吁嚱我公之德之才遽至斯哲人挺生元爲時抱負
胡弗竟其施茫茫彼蒼尙可知公來萬里昆明池對策
鴻筆殊淋漓

九重動色爲嗟咨遂令趨侍文石墀風矩巋然超等夷
冠以豸冠固其宜公之肝膽鐵石爲夙夜矢報岳不移
立朝轍轍言論危肯恤羣小爲抵巇時則海岱有狼羆

公埽除之不費辭中外貪墨風爲衰況復齊魯黔黎歌
頌口成碑

天子嘉公不予欺申命往作三楚師柱石終當任臺省
河江暫挹滋零畸公訓我士嚴而慈沅湘六載春風吹
拂拭騏驥登雲達詎意風木艱再罹倚廬哀毀週四期
服闕戀

主重驅馳舊巢仍棲柏臺枝惟公忠誠鏤心脾始終一
德無缺虧世方幸公台鼎司調燮恩膏濡八陞間公訃
音俱涕洟相弔惘然如有遺某也最蒙青眼垂十有四
載迄於茲西風丹旄朗江湄哭公豈獨爲吾私

得南園先生墨搨有作

湘鄉葛樹蕃筠僑

折檻無忘喜起心
文貞遺笏主恩深
如公風節同千古
偶爾圖書抵百金
裝潢祇應薈露浣
盤拏許作穗雲臨
洞庭煙水攜歸日
猶恐龍神借不禁

錢南園先生遺集目錄

卷一

古今體詩

宿太華寺

雨宿通海

望臥龍岡

暮歸

縛鼉行

同萬荔村送李五高維

宜都李明府石首王明府與荔村于役荊州其

爲荊州詩予時在公安依韻寄之

夜送蔣葑園覲省平度

江南送客

客思

立春日柬許少府

新晴

有贈

伏城驛有懷陳絅齋

己丑下第
同歸宿此

至孱陵

望北邙

元日登偃師城

止酒呈立厓夢舫兩先生

送夢舫南游

寄荅陳再馮

聞萬荔村權牧歸州遙寄

同楊夢舫步歸

楊比部邀遊中頂飲宿

送輔臣宗兄赴平魯兼寄望峯

寄望峯

題章聲放王右丞秋山索句圖

聞萬荔村已謝施州通守

送楊夢舫之任麻城用前送夢舫南游韻

亦園二寄詩

散館前一日作

初雪

再寄萬荔村歸州

不寐戲作

癸巳除夕

題蔣十二葑園出山圖

八月十七同徐鏡秋望月

對雪

城南看徐鏡秋試射回雪中登天香樓共飲

恭送房師姚夢穀先生還桐城五十韻

再寄萬荔村

以房師姚夢穀先生命投謁朱竹君前輩

哭陳再馮

再哭再馮

送彭南池還滇並呈蘇端樹

送文西浦

送王宜泉同萬荔村遊楚

蔣十二葑園過談後不寢偶作

早起

對酒

題朱篠庭校書圖卽送其還桂林

鏡問

鏡答

得萬荔村王宜泉書

師荔扉枉過畱飲二日辱贈余詩又與徐鏡秋

贈荅因依韻酬之竝依鏡秋韻一首

寄家書

再得荔村宜泉書

新招行送唐二舍人南遊

鏡秋作詩招蔣葑園王子餘飲戲用其韻

自題畫六首

林香海諾爲家大人作壽敘日久不至以詩

促之竝示孔塢約

送師荔扉之永平府

題畫

畱別李雲門

乙未乞假還滇畱別京中諸友四首

卷二

古今體詩

西行口號

過高平

天井關呈望峰

龍門作寄望峰

過魯山

南陽道中家力堂呼一露車竝載疾行因作此

詩

赴隨州

蔣溝用壁閒詩韻

自隨州至江陵獨行凡四日所至數吟以遣疲
憊共得八首

還家三首

贈楊二丈清渠

李大可丈召飲因示近作

畱宿李氏園小飲

漲落

劉希韓諸人同步觀耕臺飲陳分山書堂

病起同李大西郊閑步

偶題

午睡

高曉口號

過李氏飲

野步

季弟沈同赴晉甯

野寺

近華浦

長風三首

雨宿石板房

孱陵驛渡江

過公安用杜少陵曉發公安詩韻

送師荔扉

同胡時田寶積菴李錫九過法源寺看菊花

與陳綱齋兄及同鄉諸子話有謂夜漸長不良
獨宿者因戲爲詩題綱齋臥內

送徵廬五兄還應州

聞師荔扉遊山海關有懷

聞望峰有出塞之役寄此兼呈濟川四兄

送華夔臣兼示殷仲瑚

戊戌立秋日畱荔扉小飲同次少陵韻

送劉芥畦

送師荔扉用前韻

送蘇硯北用前韻兼寄彭南池龔簪崖

題秋崖改吟圖小照

題師荔扉竚月圖小照

送楊固亭

嚴家寨避雨後騎馬先二雲而行戲成二首

出新驛路舊由禹州己丑會試往由之茲由許

州得所未經也

南行

避熱

將至大荆驛口占贈二雲

渡河

題法時帆太史溪橋詩思圖

寄家望峰

望峰生子不育作此慰之

將赴湖南敬亭宗室畱飲四松草堂哲昆懋齋

族兄鎮國將軍嵩山同集

宿遂平寄懷二雲

立春日卽席呈諸幕友

泛湖

湖上

九日岳麓

善化奴生日

送張華平還來安

六月十一舟至津市喜聞初四日第二子生

友人生子用寄望峰韻志喜

楚南藩伯壽言

夜泊

題袁十三蘇亭春雲歸岫圖

題白畫馬寄師三荔扉

六河歌爲陳雲巖觀察作

出霑益

樂鄉關示寶生仰修

卷三

補遺

遊緱氏山王子晉祠

遊蘭臺後復登陽春臺歸

虎渡口

王二兆安說榮輦一路梨花盛開

涿州道中

渡河

蘭臺

過王輔嗣墓

晚發常德

元佑宮

鎮遠除夕呈力堂二兄

望偃師

暮歸

寄陳再馮

滇南勝境坊

以斑竹杖奉王岷軒歸爲節母歐陽太孺人壽

作歌

戊申七月

石燕

柳江

洞庭阻淺示舟子

丁未十一月八日

卽席次王蓬心太守韻送玉樵運使之任二首

送殷勛亭

過公安贈武愚溪明府

月餅詩應湛亭廉使

退朝

送尙賓用軒東還待舉用舊詩韻

宿正定同陳綱齋楊雲超施邃園

送徵廬

公安聽歌同許尉

鹿角西阻風

端陽插艾瓶中所餘數莖以其有根蒔之隙地

八月將盡忽綴蓓蕾蓋菊也感而作詩

宿衡山祝聖寺

恭和

御製鐵券歌元韻

題柏馬圖

題楊晚亭幻中幻圖

半門遇雪

宿瓦店驛

中秋同許尉芬舟飲

宿遂平次樅筠心前輩韻四首之二

宿荊州沙市

贈王際之

北齊後主

贈江南王瑱菴

都中間瑱菴南回

曲江作

蟒蛇河天生橋

艾叔九先生東川客外

咏秋海棠同荔扉

移居龍泉寺

阿姑祠

過金鍾寺有懷萬荔村

自題守株圖

再題守株圖

卷四

疏論序跋說書

請復軍機舊規疏

劾陝撫疏

光武論上

光武論下

王祥論

關帝聖蹟圖重刻遷置序

王素懷先生六十壽序

王素懷先生七十壽序

羅慎齋前輩七十壽序

湖南試牘序

續刻湖南試牘序

常熟趙氏復兕觥序

夏絅菴詩集序

涂二餘靜甯紀事詩序

綱鑑輯略序

孫鶴齋重宴鹿鳴序

桂花廳讌集序

雙節堂贈言集後

吳建軒制義序

石刻靈飛經跋

用嚴說

荅某中丞書

卷五

記 墓志銘 墓表 傳

長沙縣修學記

重修岳州試院記

重修澧州試院記

巴陵趙氏捐置義渡記

滿花軒記

王素懷先生暨張孺人墓志銘

內閣學士兼禮部侍郎陳嘯瀟先生墓志銘

彭南池司馬墓志銘

文母劉太孺人墓表

文西浦小傳

錢南園先生遺集卷一

昆明 錢澧 東注

宿太華寺

半壁蒼煙擁薜蘿江禽啼處晚船過樹交危磴盤青靄
天縱飛樓納白波夜不分明花氣冷春將狼藉雨聲多
愁中不暇耽幽興佳水佳山柰爾何

雨宿通海

孤城臨水背依山憶在江南煙雨閒翠壁駐雲官閣暮
白波侵市買帆閒琵琶夜冷醒秋夢鴻雁風高老病顏
明日搖鞭悵前路殘鐙虛照酒痕斑

望臥龍岡

臥龍雖已去遺輓尙如昨崇岡曲向宛細徑迴通洛青
青萬竹柏寒經色自若其下室宇淡其上煙雲錯伊昔
得肅謁主者啟扃鑰悵悵草廬閒巾几猶未卻靜氣攝
物想清風動寥廓不信五丈原曾覩大星落茲來尋故
徑風冷見歸鶴白水冰詎堅欲濟馬踟躕徒然悵望溪
孤負夙心約何當謝物役埽除終茲託

暮歸

醉後猶餘騎馬能殘風賸雨出孱陵平湖水定喧魚尾
黑月林荒上鬼鐙荆楚歲時思續記孫劉戰蹟匪無徵

難堪正踏還鄉道攬轡寒郊一拊膺

縛鼉行

霖霖平地成洪河公安郊東獲巨鼉縛扛入城始破曉
羣童叫梟周相羅甄敲棒擊不停手豈憐生氣存無多
披衣冒雨近偏視頭血模糊傷如何先王取此雖著令
厥罪未與蛟同科胡爲至今犯眾怒云工潰隄如豬婆
張牙奮爪一齧挾十丈不難立洞過低鄉貧戶正安堵
轉瞬廬舍沈白波挈兒負老走不暇何心更顧田中禾
漁師數罟徒在手瑟縮誰敢相禁呵蟠淵兇比負嵎虎
一逝倏忽機上梭又云其鳴兆兵象吳孫皓年傳匪譌

王師征緬役始罷何堪又見揚干戈日思殺卻不可得
孤鰥驚念涕滂沱昨朝忽然自求禍惡溼就燥登陂陀
跂跂脈脈行未幾垂頭熟睡橫青莎楊氏兒手一標竹
其端寸刃逾新濬貫睛洞頰溪入地痛溪尾棹牙空磨
芒繩交絡眾力集卷攣不復能委蛇夜黑閉置豕牢裏
搗喉尙一吞生鵝語竟使持令札至要作詩句供吟哦
我病心久如廢井欲斲無刃持空柯心傷久雨不可止
腿腫恐遂成沈疴敗牆菌滿竈入竈山芎麥翹呼則那
此物嗜睡雖本性就日恐同鐙下蛾天將變霽獨先覺
遂肆意寢長無吡時哉更值

皇偃武鬼神示兆徵熙和試將剝取皮冒鼓鬢宮朦朧
諸樂歌更請火急布一令闔境隄各治傾頗武士得刀
挂梁柱猶勤一日三摩挲而況眾命之所保既堅既固
如夯礮河工文牒章奏通用字熏鼠淨盡不遺蟻高插桺桺低蒔
荷從茲樂利及世世登稻畜魚兼蟀蠃鼃兮鼃兮眾所
快由來盈貫終蹉跎感物撫事聊書此曼衍辭不加切
磋莫令好事遂傳播無益徒自來譏訶檐溜頓止筆亦
止仰瞻雲裂峯嵯峨

同萬荔村送李五高維

客行最苦雨宿雨若畱客今朝子不行又得永今夕故

鄉不見夢迷茫鄉人相對如在鄉琵琶自撥酒重飲風
流勝挾邯鄲倡少年坎坷如子少昨歲從軍龍陵道無
功苦戍黑山門日抱戰骨埋秋草歸來意氣未肯平短
衣偕計又入京落第今年復歸去且喜未愁霜鬢生子
歸去昆明湖米船書畫足相娛他時我亦作歸計長竿
共釣青珊瑚

宜都李明府石首王明府與荔村于役荊州共爲
荊州詩予時在公安依韻寄之

夔門東下接荊州不盡濤聲日夜流野次天分鶉尾闕
門高山礫虎身秋雄都峙楚規南幸重鎮窺吳號上游

請向昇平論形勝江花睡穩一沙鷗

渺渺龍山放眼回層城高倚夕陽開空聞棄艦浮江去
誰信更衣駕櫓來沙際忽添巫峽雨煙中遙認楚王臺
清時四境無豺虎公子登樓不用哀

沙頭東去路還東絕岸南緣息壤通乘醉來尋一柱觀
披襟全受九江風鼉鼉出沒蒼濤迴烏鵲翻飛夕照空
莫倚能詩漫惆悵老人星在野雲中

天涯仕宦諠同敦江漢風流古所論清賞有時連畫舸
雄談竟夕倒芳尊文章怕入孫郎帳聲價終歸卞氏門
此夕公安城裏月藥鐺孤枕對黃昏

夜送蔣葑園覲省平度

三年一別忽如失兩度緘書未達一慙慙一晤公安城
杯酒中間可盡述嗟子讀書得遠仕罷黜乃坐不讀律
我更迂闊守章句將營升斗竟何術飯甑十日五生塵
衣絮一捫羣弔蝨久擬鮒枯泣入市忽與鹿鳴樂奏瑟
豈知東華輓塵裏被弃依然爲坦率謁來淹此累朋友
豈有何方顧家室子今得遂趨庭願路指膠東無幾日
武子不惟久係望文度還應近置膝陰陰白日苦易晚
竝馬相送城西出冥行顛頓七十里聽斷北風吹蟋蟀
子終奮翅收桑榆我亦委身如柚橘江干明日兩分手

蘅復相思聊命筆

江南送客

楊柳西風起暮濤獨將鞍馬去江皋燕臺客到黃花滿
楚澤書迴白雁高善樂舊憐泔泔紉繁聲新度鬱輪袍
鴛鴦湖水多明月知有愁心憶大刀

客思

客思更闌一倍多起看明月下明河大江穡事經秋稔
絕徼軍書抵夜過捕鯉久違供夕膳斬鯨誰與荷霜戈
處幽莫遂同山鬼薜荔空披帶女蘿

立春日東許少府

金匱要略卷之五
寒枕貪還夢裏家陽春忽到改韶華雲連江漢三朝雪
冰結園林萬樹花已喜

皇威清海甸

緬酋已降
師旋有日

須令美酒送生涯白頭老尉能

相許小炷鑪香試放衙

新晴

半春愁絕雨纏綿新霽城隅試把鞭柳絮得風黏復起
蜨衣經曝動加便故山已近清明候窮室爭歌杖杜篇
方狎楚童如杜老究知何處此生全

有贈

關塞風沙飽十霜石田歸壟傍嵩邨無家豈便悲吟雉

有弟還堪慨質羊緱月夜依籬竹翠伊流春濯甕齋香
誰憐信宿成知己鞍馬塵埃遽一方

伏城驛有懷陳絅齋

已丑下第
同歸宿此

生受飢驅計竟何敝裘今又渡滹沱寒風力大容春少
密雪聲繁攪夜多櫪馬已銜枯莖倦邨姬徒拍凍絃歌
卑官誰似陳夫子調膳江晴魚躍波

至孱陵

初晴又喜得郊游半月愁霖病麥秋驛路泥增新象迹
猛卯貢象湖莊門聚小魚頭殘雲尙倚巫廬竝斷港齊
是日過境兼江漢流不覺百花孤負過牆陰紅破小山榴

望北邙

隴尾西來勢幾何北邙猶界洛州過偃師城下曉雲冷
扣馬祠前春露多彌望可勝愁白骨唐人詩白骨多於塵下土剗除
何以障黃河五噫處士之東後但有荒林牧豎歌

元日登偃師城

獨上孤城眺洛東異鄉新歲喜春融輕冰齊下三川水
修樹連搖二室風商邑到今餘細麥宋陵鎮夕轉枯蓬
三年不與椒盤薦怯見南天返塞鴻

止酒呈立匡夢舫兩先生

不飲無以釋我愁飲輒成疾增溪憂杯中物始斲十日

滿鏡霜絲來上頭。昨宵伏枕聽春雨。暗風入牖滅燈炷。
使我轉側不成寐。坐待窗前雞拍羽。呼童聊起爲熬炭。
一甌藥汁手自煮。杲杲日出更無賴。兀坐不食至亭午。
默念石寄齋前窟。高低花樹一齊發。主人與客對花飲。
半醉脫帽風吹髮。當杯新製一篇就。舉眼長吟待素月。
人生豈在年長少。要是身中有仙骨。立厓安夢舫翁古。
來得名多飲者幾。人暫使杯中空。今之視昔將毋同。微
軀不得希其風。

送夢舫南游

都門秋雨初晴時。短衣別我有所之。水溪泥滑略不顧。

銜杯意氣揚霜額嚴霜欲落木欲脫涼飈昨日已侵肌
茲行何必不可已荅云事會來無期夢裏江南二十載
美人何在天之涯文章半世求選舉謫傷無故遭羣兒
昌歎羊棗有同嗜微斯人者其餘誰還滇困臥太日久
車輪生角心徒馳若存若亡縱不料要使盡我中情癡
嗟君才筆豈一世風塵久滯終非宜九方歎歎後少繼
騏驎遺骨空論皮夏蟲與語輒遭罵春官頻上皆見遺
祇今日圖一快意鹹酸外味人少知淮南鰕菜秋更賤
維揚煙月秋不悲歐詹終覩髻在杜牧豈恨尋春遲
便中爲我一致意與彼山水爲約辭視河冰解小桃放

速君返駕勤歌驪

聖代異材終顯用就中早晚徵循資況復知君有老母
必昇祿使酬恩慈銅章青蓋宰百里政餘調膳歡期頤
政餘調膳歡期頤靡佗不負柏舟詩

寄荅陳再馮

故人心比玉壺冰肥馬輕衣詫五陵風露滿堂殘夜酒
江山列簡對霜鐙時忝預修一統志專場久愧青峯句凡骨徒
要紫閣僧憶昨夢中歸路闊尋君暫話枕生稜

聞萬荔邨權牧歸州遙寄

歸峽秋深減怒濤揚舲西上興應高薄田負郭雖殘頃

金匱要略卷之十一
佳夢懸梁已驗乃穡事艱難家使給軍興告諭筆親操

楚師赴金川
皆由夔峽
卽真會覩

天書降慰子風塵七載勞

此邦山水有靈地著處令人發藻思暇日定饒新語妙
經時或使舊風移楚臺莫漫懷神女魯論還勤課小兒
媿我日餐方朔粟儷青妃白習微辭

同楊夢舫步歸

共驚天際響飛鴻步屨城南野望通映堵殘荷背斜日
埽林修竹戰西風玉堪煖老應多價霜欲華顛不費功
天與詩人善生活濁賢清聖請時中

楊比部邀遊中頂飲宿

仙郎下直白雲司車馬衝晴讌曲池興極鶯花三月後
酒殘鐘鼓二更時黃金懸印心曾許白髮躬耕學慮遲
莫怪題詩倚殘燭明年聚會幾人期

送輔臣宗兄赴平魯兼寄望峯

馬鳴夜火戒征車北出居庸去路餘雲勢九邊臨塞慘
雪痕三月冒沙虛民耕斷磧時登粟官坐空衙或藝蔬
隔面十年家萬里莫驚相視鬢斑如

寄望峯

鄉書春爲報平安未及書迴歲已殘魚市樓臺空憶酒

雁門風雪早知寒愁多尙倚連枝樹老近終微入夢蘭
望峯尙未有
子聞始置妾
若問鳳城孤臥客菊英摘盡只加餐

顧章聲放王右丞秋山索句圖

三日寒林聽秋雨山樓獨夜聳詩肩忽臨叩飲得新霽
白著芒鞋試踏煙

鬚頭頑童亦解事抱得琴囊相伴行知道秋容待收取
詩聲不盡有琴聲

聞萬荔邨已謝施州通守

聞策飢疲馬皇皇出亂山寒江吹楚塞白日望燕關愁
慣那求減身存未許閒南枝有羈翼旦夕願飛還

送楊夢舫之任麻城用前送夢舫南游韻

丈夫行意須乘時，當未得路嗟何之。朝廷資格無倖易，誰云易如摘領頤。半生落拓今始展，霜已生髮臘生肌。銅章青蓋宰百里，終然未負夙昔期。光黃閒幸古善地，長江廣漢臨其涯。孤城坐擅山水樂，中澤久無鴻雁悲。視彼民性順而理，拇無駢指亦無枝。政拙可以署下考，秩滿那復愁遷遲。酸寒故業有蠹簡，舊聞已舊來新知。塗欲守神義各止，潰癰決疣累無遺。辭但脫口筆脫手，不妨遠寄同欣奇。天工於人有位置，求無益得真非宜。如蠅營營如狗苟，盡態徒供靜者嗤。一杯勸子更須盡，

卽今已不愁孤羈澠河泛舟南使至歡顏共慰生別離
供奉甘旨有餘力無忘歸日買山資

亦園二寄詩

峩峩雪峯

白質禎文闊三尺餘高僅二尺厚尺面有老米顚刻云峩峩之巔經冬雪

積飛來一峯落我几席皓如皚如森森玉立我重再拜奉爲拱璧南陽刻記于肩云舟泊彭蠡得之沙際或疑老米不應委此且語氣旣非清雄絕俗筆勢亦未超妙入神或好事所爲而南陽不之察但石色溫潤奇秀爲本朝范相國家物傳至緩齋司馬立崖廷尉愛而有之

三峯連縣中絕尊禎紋絡腦下徹跟云是飛來峩峩之
高頂雪色自古今猶存我乍觀之不敢捫恐令上添五
指痕酌泉盥手再諦視質而不滯瑩而溫宛然是我熟

所識英英白雲凝朝曦謂爲雪積殊不似玉立亦復非
驚論噫乎雲觸石起石雲根崇朝霖雨澤厚坤胡然嬾
不從龍去上帝降罰難汝原奪其變化之能事塊處無
復長飛騫一朝落於好事手剜苔剔蘚歸檻軒甚幸不
與艮嶽數彭蠡幽臥窮朝昏崩沙駭浪隨激蕩日傍巨
魚依窮黿馮夷欲致力難舉江妃愛玩來頻煩南陽老
子迫使起

帝鄉棲止復多門而後乃今歸亦園羣公來視汙且奔
詬責我作無稽言祖尙舊說不肯易長篇巨製如瀾翻
惟有亦園先生意自敦持酒日對寂無喧取質兩者皆

印可一笑酌以頗黎尊真欲與石爲弟昆何但貴重比
璵璠此意孰足窺其藩德如石默故無譖嗚呼德如此
者誰其譖

三足承天几

面徑尺有四高三尺而弱上刻
三足承天几吳人馮文所題隱處

有魏允貞鄒元標
李化龍各題刻

亦園未致峩帽石先致三足承天几此几流傳自明代
顯處有馮魏鄒李咄哉一段枯木根久脫沙泥兀不
緊筋纏縛骨變青活血周通面迴紫憶昔飢走烏蒙東
滇山蜀山萬木叢伯益焚烈所不及連巖蔽壑紛於蓬
歲久年深偶自仆從頭一炬三月紅巨根踣地誰復識

杜機塞兌無虧蝕養之至足出亦可轉致聊須藉有力
嗟汝几將無類此使我摩挲三歎息聽雨樓邊夜風湧
石寄齋前霜色重窗隙圓影射初日蟠蛟結蛇蟻蟻動
我欲徑呼顯名四子來先生爲我還置杯馮魏與鄒聊
閑口戎政動舌揚風雷爲述當年播州役指顧積寇爲
塞灰丈夫任事有如此太息而今安在哉先生與我同
心哀

散館前一日作

我學書時始毀齒志識姓名而已矣竊不自料遂得官
且被人稱曰太史石室金匱許紬繹高文典冊惟任使

書一小道猶不工餘者何事復堪擬自從拜

命入館日日矻矻惟在此敬從先達問波磔半用清
俸求筆紙黃庭樂毅置左右如鳥黏糯憑案几徒然費
盡臨摹力何嘗能有分豪似婉婉弱臂六鈞弓蕩蕩巨
舟三峽水牽挽到从吾不恨毛穎陳元冤胡底明朝入
試明光宮劣迹將塵

天帝視臃腫欹側陋且穢自顧尤覺難嚮邇二更宮漏
垂欲盡撲筆眼眩雜朱紫長策何如歸去來老把鋤犁
向桑梓

初雪

初雪翻花如許稠起來添著敝羊裘凍豪著墨艱書字
濁酒當杯許破愁何苑梅英最先吐明年麥實定豐收
西征不與報戈役聞近雪山天盡頭

再寄萬荔村歸州

舊約燕臺泛菊甌獨聽落木迴含愁可應月暗獬亭夜
復似風驚虎渡秋虎渡在江陵縣南岸去公安縣九十里大軍征緬時文報自南而北者由公安遞江陵荔村時令公安每值風起輒廢飲食近楚師赴蜀道由巫夔大吏以荔村久諳軍事特由鍾祥令調委鴻爪未能忘白雪白雪坊名在鍾祥縣魚書昨始付黃州荔村
是職兩尊人及妻孥輩猶居鍾祥因囊中賸有東方米欲待
楊夢旂之任便道寓書訊之

金增季子裘

不寐戲作

寒窗禿樹影槎枒多蟲攻肌費抑爬殘夢蘧蘧散蝴蝶
長更閣閣鬧蝦蟆名場畫後粗成餅禪劫蒸餘待熱沙
未到無身均大患聊堪惆悵有些些

沐浴淡期佩楚蘭太倉偷粟繼朝餐已成多事續鳧脰
何更一嚙嘗馬肝

內殿昨容操紙筆故溪夙慣理釣竿此生本分無多子
起趁南榮上日團

癸巳除夕

遊子辭家六歲除絕憐六歲六遷居

戊子潯河舟中己丑公安縣署庚寅

偃師縣署辛卯南城龍泉寺
壬辰周少廷尉聽雨樓東

頭顱徒長十霜鬢鄉里惟

憑一紙書袋入猢猻云似爾影遭魍魎問何如林鴉樾
馬三更夜又復朝

天借蹇驢

顓蔣十二藥園出山圖

泉水但在山稼穡何以濟萬折及江海何止一方惠眾
憐蔣子嶙峋人不卑小官仍爲貧攜腸挂腹萬千卷又
將抑折隨風塵殘脂豈足潤餘光空照鄰竹荒三逕杳
誰親羊裘怨爾輕其身丈夫墮地懸弧矢何能鬱鬱竟
終此古人任事不擇職視可少盡心力耳君不見漢毛

義一朝奉檄令人惑又不見高達夫隨肉如鷹翅且側
若使盡嫌名小草天生遠志若爲德吁嗟乎騏驥豈曾
孤鼓車鸞鳳何心避枳棘吾曹不要拘儒喜海內應餘
識者識行己貴有道向己足懷抱此肱況經折動先慎
所保人情縱復如波瀾忠信出入身常安爲謝山中舊
猿鳥卽今不道路行難

八月十七同徐鏡秋望月

脫木西風日夜飛中庭月白見星稀瓊樓高更知霜早
已進幽風問授衣

對雪

黃昏忽飛天女花城頭過來銜尾鴉忍寒不眠啟北牖
暗風襲我鐙明斜飄飄著人不避暖逾窗拂硯紛交加
中庭眾樹齊玉立二更又吐微月芽天公爲人澡肝肺
滌除積垢無纖瑕只惜窮愁不并去依然顧影生咨嗟
苴蘭城東蓬作戶樊圃落寞枯籬笆布衾似鐵豈足歎
多恐賈米狀無遮飢寒一門合共受安得獨樂官京華
揜扉默臥待宵夢隨風順至滇山涯

城南看徐鏡秋試射回雪中登天香樓共飲

射者男子事古人無不習末世教澤廢偷情久浴襲弓
馬號羸材幾人事浹拾我

朝繼三代漢後豈能及官禮自宮庭弦誦被鄉邑八旗
佳子弟考課尤汲汲詩書澤爾雅弧矢勵羽獵其使才
德成豈惟疆宇輯禮闈將貢士英彥靄雲集天潢下臨
視比耦進拾級畫鼓鳴風勁紅旗颭雪急旁觀亦神王
立久巾韞溼旣散未亭午雙輪碾冰泚樓高望宮樹六
花正歛翕良時苦易失清尊得暫挹要看六翮起不歎
尺蠖蟄

恭送房師姚夢穀先生還桐城五十韻

徑起乘孤舫飄然返舊邱水溪魚竝縱林茂鳥長投霽
日層冰合輕煙細柳柔藜青編未已雪白讞誰諏

先生現官

刑部郎中充四海內文爲治先生遇獨優錦窠叨顯擢

庫館遺書纂修

官禮部主芸館繼前修

初授庶常

枯柏如荆采

典試湖南

璠璣過

事歷員外

芸館繼前修

魯收

典試山東

禮闈再同校

兩分會試房余以

國士罔遺搜

范得傳其鉢蘇教放出頭在門皆玉筍辱蓄到牛溲自

古持風憲稱雄絕等儔觸邪殊多服司直重羔裘可否

爭於陞威嚴厲若秋道行維世運節立羣

皇猷受諫惟今日輸忠豈異流端方四岳薦名姓

九重畱其待騎驄馬安知逐白鷗心飛射蛟浦夢繞木

鵝洲伊昔蒙殊眷隨行奉束脩滄溟無汜浹朗月徹陰

幽理學遙躋宋心源直溯周百家供點深四部受耘耰

語動鑪融雪篇終浪擁虬餘芬丐差勒末緒啟楊游凡
骨雖難換金丹每易求不疑瓶裏雀豈昧棘端猴儒術
有根柢俗傳多謬悠埏埴斯作器礦鑄乃爲鉤灌漑淡
能力英華晚更拙才皆應繩墨行則寡愆尤

盛代方升俊中年肯倦游倚閭常有望受爵只增愁寸
草還思報崇蘭自足羞迢迢川路阻冉冉歲華遒幸捧
紫鸞誥獲辭丹鳳樓蒲帆挂安穩桂楫動夷猶月皎溪
如練山來嶺似浮

練溪浮山舒
州境內地

枝喧烏有喜潛響懶頻

泗祖席杯將進離歌韻悉酬朋僚增太息弟子切殷憂
問寢多疏闊歸田各逗遛閒居空羨賦陟岵怕聞謳況

我復多病於時同贅疣濫陪清署選實甚太倉偷鬢髮
添新素鄉園滯遠陬尺書經歲達二頃幾時謀竟欲從
茲去長征可自由計程及滇海何路望舒州恐負迷津
筏空藏大壑身綵衣庭際舞俯仰亦休休

再寄萬荔邨

風旗霜戟上夷陵歷井捫參忒寢興共識衛青收幕早
終憑梁道給軍能江魚日入千夫膳峽鳥寒窺徑夜鎧
未遣賓親罷談謔丹楓飛處酒如灑

盟後沙鷗久識心霜絲入鬢任駸駸鳳翎雨足山回氣
鹿角灘平日蕩陰文物山餘左徒宅辛勤戶勸女嬰碑

夜寒政暇應無寐翦燭裁書報故林

以房師姚夢穀先生命投謁朱竹君前輩

漁竿煙雨憶江湖還向高門謁大巫一疏格

天羣籍闡

四庫館爲君奏開

隻辭運律五兵驅鵠原地望皆齊

孤嶽鹿洞風規且鑄儒儻問南榮誰致汝皖公青峭去帆

哭陳再馮

今代窮愁客何如我與君一枝徒自守半菽幸誰分廿
載欣同志七春悲離羣此生誠已矣後事更何云回憶
違顏日同爲出岫雲燕臺慙駿馬楚澤問靈芬凍餒遙

相等音書未絕聞每言求素志要善任勞筋倏忽韶華
改蒼黃夢寐殷蕪叢仍棄桂清館謬沾芸未以沈淪感
淡期道義勤奉身思咫尺近器審藉薰囊脫三千穎機
蟠五色紋須知傳天鳳不是負山蚊鴻寶從君授綦巾
樂我員冥明誰遣異芝艾竟同焚殘雪迷春野悲風下
夕曛鬢霜來種種襟血濺沄沄帝座高難致泉途莽絕
垠窮年煩著作一旦變淒君藥補神農漏星繩洛下紛
肘方迴歲稷心鏡洞天文不展一身困空貽來者欣鬼
神憐蠹簡狐兔竄荒墳萬里耽微祿多端累俗氛交期
慚范式痛毒甚劉蕡生我猶居阨遺孤豈任耘茫茫思

隴草落落歎鄉枌已化臂爲彈安尋鼻受斤巫咸如可
作詳與究氤氲

再哭再馮

有文不可干當道有酒卽應招朋好

再馮語

君言猶自懸

白日君軀頓爾埋荒草八年久別意豈惜一旦傷心顏
遂老天道茫茫不可期自古無從辨蹠夷我生曾未滿
百歲歲歲坐閱賢者逝

送彭南池還滇竝呈蘇端樹

廣甯門外雨連天貧病無悰又去燕誰信退之眞怪物
可應方叔是癯仙蘆溝沙長今年樹竹圃

南池舊居也

苔沈

舊銼煙垂涕若逢蘇叔黨道余宦況亦堪憐

送文西浦

五去金臺子豈便苧衣當暑汗如泉孤鞭落日不凡馬
高柳連天無盡蟬尙有冷官爲活計憑將佳什送流年
老親未歎唐園腹補後白華賡數篇

送王宜泉同萬荔邨游楚

我昔從楚來君今從楚去途窮仗友生

杜詩句

客子何歡

趣臨鏡幸無數開尊幸無屢浮雲互西南不見鄉關處
嗚呼古志士牢落非所惡心情寄風雨鬢髮積煙霧陶
冶在詩篇跨俗策高步孰知後世名不係窮達數子負

歸落才出以顯親故但無荒日月何遂悲遲暮白汗自
翻漿青驪畢載路握手更何言淚落衣襟污

蔣十二葑園過談後不寢偶作

客散獨清夜秋空月在林楊枯聽風落菊老任霜侵欹
枕欲醒酒將鹽重洗金葑園畱近作屬定年來底生事空贍短

長吟

早起

碧樓百八杵霜鐘曉析初殘絳燭重地闢九門臨碣石
天垂七宿轉蒼龍官曹獨蝨憐身隱田獵非熊諸城太傅沒首

輔尚未被命

卜戶封柰可故園兄弟弱東臯煙雨待耕農

對酒

春酒眞成熟醉謀題詩林雪正颼颼中書犯凍愁凋髮
從事宣風喜到州新浪下通金汁水

在敝宅前

夕陽高挂彩

雲樓

在敝宅後

一壺何處頻攜得獨對新花撫杖鳩

題朱篠庭校書圖卽送其還桂林

篠庭校書天祿日不知心力疲於用古人敬事悉如此

乃言恐被罰常俸

校書疏漏處分極嚴篠庭自題詩及之

吁嗟載籍旣紛

綸就中亦復難伯仲千載得遭右文主連檣累軫來充

貢

詔令纂輯傳永久儉穀豐玉同珍重要是其眞存不沒

黑白母令起聚訟傳鈔旦夕脫萬腕亥豕之譌類遂眾
一字妍姿變瘡痍一義曠宇成雰雰甚或憑臆妄塗改
削補牀腳陸巨棟狐裘之敝綴黃狗雞羽未生號鷲鳳
惟子孜孜窮日夜旁徵博討求折衷辭艱語僻義兩可
直追作者商略其方憐用意甚深苦無期遇事獨倥傯
丁內艱旋悼
人并殤一女瑤函高皮藜光閣破帆孤指韶音洞造物
於人致愛惜似於子也多掉弄儻假歲時得卒業何難
羣籍加釐綜江湖萬里日趨遠形影一身猶屢空此圖
聊將綴此詩後時相思獨有夢

鏡問

白髮胡爲爾蒼旻實厚余一官容獨蝨十口免爲魚病
祈還當事不見許比家書至知廬舍蕩盡幸人猶無恙耳風急時防帽塵侵未輟梳
相將催老速無乃用情疏

鏡答

白髮無遲早紅顏有是非但知殤子壽豈謂菌生微絲
素慎無染銜冰聊映輝恭惟同自出永願與旋歸

得萬荔邨王宜泉書

聯舫已傳逾大別之官幾日到隨州故鄉水沒碧雞市
客子風吟黃鶴樓豈有奇方能縮地空憑素札一將愁
鐙昏黑淡霧遮眼木落堂空霜在頭

師荔扉枉過畱飲二日辱贈余詩又與徐鏡秋贈

荅因依韻酬之並依鏡秋韻一首

不笑鷦鷯老一枝深杯頻勸我何辭百年已斷槐宮夢

孤興猶尋柏石詩

用蘇頌
畫詩意

脫木高風吹薊水聯牀舊雨

話滇池直愁馬首之東去

荔扉隨尊公
樂亭鹽場任

霜月仍懸兩地

思

右酬荔扉

肝肺論交兩不難應知白首若新懽酒傾百谷齊趨海
詩闢雙珠共走盤煙水自孤漁父約風雲竚向驥羣看
所嗟病骨支離久不柰霜威抵暮寒

右和鏡秋

寄家書

得憑萬里使歸寄數行書借問愁心絕何堪報倚闌

再得荔邨宜泉書

弔月中閒兩寄書關河迢遞莽愁余三刀入手官新貴
一缺休彈食有餘秋老漢東楓色赤寒生薊北雨聲疏
遙應同夢昆湖去斷石殘槎訪舊廬

新招行送唐二舍人南游

南綏州地分新招明置廣甯甯尚嵒邇來二百十七載
豺蛇伏野暗無驕子別我去始秋暮單衣正柰風蕭蕭

此邦且幸少霜雪竹炭足給寒鑪燒調飢登盤脯劈筍

暑汗濡體絲織蕉雖云遠鄉亦樂土客中未必顏紅凋

況昔鄉人陳昌裔

鄉富民縣人

曾減飯起溝壑焦斯人到今

骨則朽令名猶係民風謠定知於子有深意伏臘豚酒

時招邀只惜半道及江左心傷隕涕隨寒潮

尊公令江浦移清河

沒於治所

丈夫樹立未有日失意但與萍蓬飄兩鬢霜欺縱

計早何堪坐閱羲和鑣肥腸滿腦灌書史以實期秀秀

期苗我言止此心搖搖明鐙細雨淒寒宵

錦秋作詩招蔣蒨園王子餘飲戲用其韻

行樂生平各幾遭駢煩身事萬牛毛纔呼月影成三友

已遣風聲到二豪
蔣詡竹間頻引仲
王閎花下愛依陶
肯憐清聖時中者
來與霜天對擘螯

霜林黃葉滿周遭
風颭平沙有雁毛
櫪馬臥窺殘月起
羴鷹側向野雲豪
將歸有客真愁絕
失職誰人正鬱陶
試攬鏡知元髮在
還應自笑左持螯

白頭畫六首

一不施控勒騎生馬

不施控勒騎生馬
有如赤手捕長蛇
古人甚詫此能事
豈獨文章足與誇
我生劣會勤誦記
操紙終夕艱一字
前日跨蹇長安街
委轡徐行猶再墜
二者之間我已矣

年華逝若東流水徒能畫出與子看子能長弓白羽飛
騎逐鷹鷂豈不使文章驚思豔藻落筆翔龍鸞

一溪山小集

溪山自娛人我情不敢好飢驅走四方異境亦屢造相
逢肥遯者煙霞長寄傲可憐一過眼率略識名號兩踐
京華塵利祿已竊冒先達并見許不譏進取躁溷茲度
可老終身肯易操內省有疚心顧影實悲悼

朝廷豢吾曹期以文章報追琢雅頌詩攀躋商周誥班
范下擷華荀楊中擇奧績絲作黼袞琢璞備珪瑁菑翳
并翦剔清濁各疏導庶歌鵠在梁得以無愧告我才如

寸薪然盡不煬竈又如一杯水堂坳難轉漕窮日搆片
辭艱於五丁鑿賦如疥駝伏詩比寒蟬梟猶令副墨子
反覆遭剽盜以此爛熟想林泉合早蹈秋風昨夕急庭
樹翻如纛遙念敝廬荒況值今年滂中心非木石得不
顛以倒媿絕徐鏡秋憾顏相戀嫪愛顧出至性秉德何
慥慥授我筆墨親憐我憂思耗忽寫茲邱出頗似昔年
到回首望南雲蒙蒙雙目眊何日果吾謀庭蕪躬灑埽
晨起拾山蔬婦汲寒井芼仰奉我父母怡愉臻耄耄吁
嗟乎鏡秋子才實雄鷺兩載猶我親不知餽戴帽自是
黍苗佳陰雨無待膏鵠生具六翮匪以越雞抱我歸雖

金匱要略卷之十一
萬里疇子在心禱何必愴離居俯仰同覆燾蓬蒿日藏拙畢生何悔懊

一相馬

鏡秋秋闈獲雋時

欽命賦九方相馬

至尊內外馬盈億倜儻權奇遍牧野猶恐畱良未盡收
廣令羅取風塵下子身由此得被遇他日有求遇子者
牝牡驪黃難具論毋徇世人爲用舍世人相馬空舉肥
美觀則是適用非驂駟自負致千里毛暗皮乾饑凍死

一怪石

我行不如石心解慕石介石卽無奇姿遇之亦揖拜重
彼粗醜質中實如其外山巔及水澚索寞隨蒿艾風日
歲摧剝礫然立不敗何必言觸雲爲霖遍宇內

一晚涼看洗馬

晚涼看洗馬白露已經秋從此飛馳去月支要飲頭丈
夫身許國妻子亦何憂媿我全軀者沾衣汗獨流

一桺溪書屋

合沓清溪萬桺溪溪堂面面有清陰曉簾纔卷燕交入
午睡欲終蟬一吟不埽落花常滿地偶添新竹漸成林
酒船自棹浮明月溪水還同不住心

林香海諾爲 家大人作壽敘日久不至以詩促之并示孔撫約

知君文成如翻水頃刻一瀉及千里胡爲於我久不報
再四伏思或有以邇來世俗多誇飾於人不貴以倫擬
常可隼翼用披鷗非獨張冠持戴李賢者用心故自異
握筆未下先懷恥徑欲行之以古道又恐受者心弗喜
誰歟不欲顯其親覈辭未若諛辭美兩情交戰自難決
以是欲作且復止嗟我累代耕田夫寒陋直過胡伯始
都無積代垂乘志豈有薄施逮桑梓曾大父昔避兵難
流離年未四十外大父九歲兄十四僅而生全賴母氏

苦節之貞不自惜兩孤得無侈先祀嚴親垂髫猶逮事
云時抱負提其耳語多意複不盡憶清白字實其大旨
澧之生也不復逮垂白惟大父母耳三歲以來稍有覺
仰見兩親俱壯齒力農不逢兼以末拮据終歲無甯晷
何知毛從龜背刮但識身向雞鳴起溫日時闕不能繼
相對啜泣中夜裹牛衣雖惜王仲卿豹食終鑒陶荅子
羹藜含糗謹一介祇今將屆七十矣不肖軀亦三十六
遭逢幸而獲祿仕奉國豈能塵壤益儉倉但愧鼠雀比
今年自致天譴怒數椽廬舍淫潦毀以此上請圖歸去
到鄉度在正月底囊無一物奉上壽因敬乞君文一紙

金華集卷一
前呈節略想在篋用備遺忘復述此夢穀夫子旣南歸
微君莫辦中流砥一字雖非定誅賞片言要不淆臧否
力構海行安用哉陋若蔡確猶知鄙尙幸未及寒硯凍
濡豪佗請從實紀昨日面晤孔撫約知我歸情勝激矢
晚當邀共款君門謝百朋錫長拜跪

送師荔扉之永平府

霜颿連夜飛客子待曉發僕夫起秣馬烏叫女牆月蕩
蕩盧龍闕茫茫北平古來雄雋人幾輩騰英聲書生
何足爲往來甘飢疲飢疲不自惜足以昌吾詩來見菊
始黃去食蟹垂盡日月暗移人奄忽若旋軫子鬢無多

髮變素已三年子眸炯若星先日明曙天家近海西南
游窮海東北海水自通波日夕盪胷臆有時忽清發出
聲來天風鯤鵬兩幺騰視之若斯螽所惜竹林子彭南池
歸向故山臥不然競出奇迭唱與子和子去余何嗟相
期在桃花何緣寫此詩寄向天之涯

題畫

秋閒爲徐鏡秋卽蘇頌幹十四匹圖詩摹爲畫
鏡秋裝池成卷且用蘇韻頌之冬又十月余復
獲請瀕行爲之辭

昔聞莊生說馬蹏患極燒剔整與齊野人釋耒束簪紱

形則貴盛心酸嘶棧豆滿前不敢顧此情獨與知心語
短衣欲背北風行胡爲顧我泣吞聲世閒縱少揚州鶴
饒有天公付飲啄千金費盡學屠龍幾年骨朽灰朝風
何況所見唯凡馬徒塵紙墨爲此畫門徑強託蘇與韓
田中芻狗嗟誰看

畱別李雲門

仙鶴雲霄遊不知稻粱肥野鷺偶一飽相從刺天飛中
路弱力盡豈免翅低垂回望舊游處洲渚霜露晞往時
同棲侶羣友相因依啄啄拾殘粒爲我起調飢六關不
天生歲暮當何悲

乙未乞 假還滇畱別京中諸友四首

寰中南紀是巫廬雲彩南邊路更餘來爲飢腸驅曼倩
去愁渴肺老相如長鑣陟嶺饒生朮短艇龍江易得魚
回首故人霄漢上金銀樓閣拱仙居

開盡山桃合到鄉九門風雪擁離觴膝翹久待王文度
眉白欣迎馬伯常三侍螭頭

天語近

王辰授職後至今隨講官後三侍

御門兩靄麟脯

御廚芳

壬辰散館甲午考試差均蒙

賜食綵衣舞映迴鸞詒未覺寒居

草樹荒

衣奔食走謾無成長惜風塵歲月傾雪暗烏羅孤馬瘦

江吞赤壁一舟輕未關鄉黨排元叔也值諸侯禮正平
竊祿五秋今抱病薄功厚享致災生

臥向昆明百頃湖敢將作論擬潛夫一枝對策溪慙桂
五石爲尊但有瓠班馬和聲揚漢典夔龍協德贊唐謨
減加藥物身還健南畝溪耕奉國租